


Straussjugend Reiwelskerch

**IN DER
REGEL**



**SIND WIR
VOLL!**

2003

Anfang

Es is mol wirrer soweit,
wie jedesjohr is unser geliebt Kerwezeit!
Wie immer packe mer unser Sindebuch aus
un verzehle eich was draus.
Es sinn ach desjohr wirrer e paar Stammgäschdt debei,
die sich bestimmt frähe es Gespräch Nr.1 in Reiwelskerch
ze sei.
Mer frähe uns jetzt es zwotte mol do howwe ze stehe,
un hoffe net das ner gleich wirrer gehe.
Mer hoffe das ner Eich ach frähe uns desjohr wirrer ze
siehe,
un net gleich aus Angscht die Krise grie.
Jo ehr Leid mer begrieße eich wie jede 1. Sunndach im
Auguscht,
un vezehle eich vun anner Leids Soije, Tate un fruscht.
Awwer bevor mer jetzt beginne,
un unser Sindebuch schwinge,
due mer uns noch besinne
un kippe uns e gud Gläsje Wei nohinne.
Un häre ach noch de Reiwelskeier Staubjugend ehr zarte
Stimme.....

Die Reiwelskeier Kerb soll lewe.....

Rettung in letzter Not

Einscht war emol e großer Biobauer
der war im letschde Winder ganz schee sauer.
Do iss nämlich die groß Flut kumm
un em Hans sei Hinkel sinn fascht fortgeschwumm.
Leider iss ach dem Noah sei Arche net durch de Odebach
kumm un hot die Ärmschte metgenumm.
Sie gaggere vezweifelt um ehr bissje lewe
un hoffe das se die nägschte Oschtere noch erlewe.
Em Hans sei Buwe hon es Flehe gehert
un sin met Fischernetze zu de Hinkel maschert.
Die arme Hinkel hon erum gejammert
un er Lewe ans Fischernetz geklammert.
Dann hanse ach noch de fescht gefahrene Bulldog aussem
Dreck gefischt
un im Hof wirrer hergericht.
Zum Glick iss das dene Buwe gelung
sunscht wär de Hans nagisch im Dreieck gesprung!
Als die groß Flut war erum
sinn die Hinkel wirrer in de Käfisch gesprung.
Dank de Flut kunnte se e gereinischtes Gehesche begehe
un dun dort jetzt munter ihr Eier lehe!
Ehr leit eiere eich net weje dem gegaggere erum,
die Hinkel sinn doch nur froh das se em Dot entkumm!

Hänsje, du musch unser Soije um die Hinkel
vestehe, sunsch musche vielleicht selbscht bald Eier leje.

Birgit's Frisierstube

Hauptstraße 4 - 67748 Odenbach - Telefon 06753/4539

Wir bieten:

- Topmodische Haarschnitte
- vielseitige Strähnchen-
techniken
- Haarschonende Wellen
und Locken
zu allen Anlässen



Creativ - aktuell - preiswert

Stadtcafé

INH. BERND GAUCH
HAUPTSTRASSE 25
67742 LAUTERECKEN

Öffnungszeiten:

Montag/Freitag von 8-19 Uhr
Di - Do von 8 - 22 Uhr
Samstag von 9-12 & 14-20 Uhr
Sonntag von 14 - 20 Uhr

Telefon: 06382/ 277

Wasser anstatt Klarer

Des johr hammer e ganzi Familie im Programm
un es zuhere werd fer die recht stramm!
Met ähm Owwerhaupt vun dem Clan
fange mer jetzt mol an...
Das iss de Paul
un der iss net faul...
Üwwer dene Paul mag sich jo e mancher Streite
awwer zumindescht vesteht er was vum reite...
Net was ihr denke glei,
awwer mer glaabe do isser ach ganz gut debei.
Als Geschäftsmann isser groß im Renne
un hot Ideje wo annere noch penne!
E Kutschfiehrierschein kann mer beim bestehe
un wann du willsch die Hecke mehe
musche nur zum Paul enuffer gehe.
Aach im Weihnachtsbäämgeschäft isser gut debei
un vedient demet Euro fer drei!
Fer de Vekaaf dut de Assmann noh Lauterecke tendiere,
dert dut's sich anscheinend besonersch rendiere.
Der Lautereckerer anfersich iss jo e bisje Schussellisch
-grad desweje vedient sich de Paul dort; dumm un
dusselisch!
Als guder Vekäufer dut er so manchi Strunk noch als 1a
bewerte,
die mer normal uffem Grinabfall kennt vewerte!
E Schnaps kriecht mer noch zum Bääm geschenkt,
der seit neischtem awwer nimmie wie Feier brennt!
Das der Schnaps die Kehl net mie ehlt
iss schnell vezehrt!
Um anscheinend Koschte zu spare,

vezicht er uff die wahre Klare...

Statt Schnaps hot er Wasser ausgeschenkt

**- ich glaab domet hot sich noch kääner die Lewwer
ausgerenkt...**

**Awwer uff de anner Seit Paul kann ich dich vestehe,
was dich zu so äner Sozial Aktion dut beweje...**

Denn met deine vemeintliche Klare

kunnsche mancher vorm Fiehrerscheinenzug bewahre...

**Paul, dich lade mer jetzt in met uns e Glas Sprudel zu
trinke**

**domet du siehst wie em das stinkt wenn Du anstatt
„Klarer“ Wasser kriehsch zu trinke...**


Bäckerei-Konditorei



Müller

Inh. Jörg Müller

*Kegelbahnstr. 10
57753 Reipoltskirchen
Telefon 06364/323*



Kindergarten adee

So ehr Leid, jetzt fällt so manch hart Wort ,
an dem heilische Kerweort.

Die Geschichte die mer jetzt zum Vortrach bringe
stimmt von vorne bess hinne.

Wie der nei katholisch Schofshiter war kumm,
hots Unglick seine Lauf genumm un unser Story begunn.
Als noh Reiwelskerch kumm is de Mathew Pimpertil,
do war das fer einische doch zuviel.

Der Pimpertil iss Inder un lebt ach noch gesinder!
E Inder als Parre is an fer sich jo net vekehrt,
doch der do mähnt: Alle geherte bekehrt!

Weil de Pimpertil denkt er sei besonerscht schlau
steht Reiwelskerch kurz vorm Super GAU!

Vun seine ohsichte wolle mer net allzuveel erzähle
domet solle sich annere erum queele...

Doch so billisch kummt er uns net devun -
ich hät gern e Erklärung wie es zur Schließung vum
Kinnergarte is kumm?

Bei dem Kinnergarte wurd schun oft moniert
das er geheert saniert!

Doch als es galt de katholisch Kinnergarte zu renoviere
sah de Mathew: Do du ich kää Geld investiere!

Met tränereicher Stimm dut er noch erkläre:

Die Kerch kennt leider kää Geld mie entbehre...

Fer das Geld baut in Lauterecke die Firma Gott und Sohn
liewer e Haus fer e Million.

Wahrscheinlich noch mit Thron...

Gejeiwwer unserem Kinnergarte is das schun e Hohn!

Ganz allä war jo de Mathew net an der Schließung
beteidischt-

er hot ne awwer ach net de geje veteidischt!

Ja, unser Kinnergarte iss jetz zu

un in de Kehlbohn e gespenschtischi Ruh!
Was noch netemohl Orkane wie Lothar odder Wiebke
gepackt,
hann Pimpernil un Geselle sofort vehackt!

Zum Schluss fällt mer noch e Spruch vum Bert Brecht inn,
un der gebt fer die Situation schon e Sinn...

Der hot emol gesaat:

„ Wann das Volk schon nicht die Regierung abwählen
kann,
kann die Regierung das Volk abwählen? (Fragezeichen)


...TOP-Service und Profi-Beratung!
...auch für wirklich
schwere Aufgaben!


WERKMARKT



Telefon:
0 63 82-
92 190

BAHN
SCHNEIDER



IHR KOMPETENTER FACHMARKT FÜR BAUEN UND HEIMWERKEN

FRIEDHOFWEG 3 • 67742 LAUTERECKEN

TÄGLICH VON 8.00-12.00 UND VON 13.00-18.00 UHR • SAMSTAG 8.00-15.00 UHR DURCHGEHEND!

///
eigene Schlachtung
seit 1896

Metzgerei

Partyservice

**Ferdinand
HESS KG**

Qualität ist unser Prinzip

///
67700 Niederkirchen
Heimkircherstr.8
Tel. 06363/322
///

Der Schläger „Heiko“

Jetzt kommt Assmann Nummer zwee an die Reih
un der iss bei jeder Klopperei vorne debei!
De Heiko will sich domit anscheinend was bewaise
un vor annere domet sei iwermenschliche kräfte preise!
In seiner Unbesiegbarkeit fühlt er sich noch bestätigt
wenn er vorher die Uffnahme von Alkohol tätigt!
So war des aach voresjohr an unserer Kerb de Fall
do gabs weje em Heiko e Riese knall!
Do wurd zur vorgerickter Stunn in de Bar ordentlich
gesoff un gesung. Aach de Heiko fühlt sich wohl
- kä wunner bei soveel Alkohol!

Doch irgendwann dut em vum e Kerl es Gesicht nimmie
gefalle un er wollt dem enie Knalle!
Der Kerl war vun Eckerts Jutta de Brucher
un des iss aach kä gucher!

Als die beide so uffenanner zulenke
um sich die Knoche zu verenke
du ich noch bei mer denke:,, Jetzt kummt widder die Zeit
-ganz real, wo mer handiert met Keule un Bärefell.....
Jeder kunnt dodebei zusiehe wie die beide vun de animale
zu de human verbale Komminikation dun iwwegehe!
Bei der Keilerei wurd die ganz Bar in Mitleidenschaft
gezoh
un so kam manch Glas met Inhalt durch die Gejend
gefloh.

Irgendwie hot dann de Heiko richtisch ohgefang zu spinne
un mähnt;,, die Miehl det vun de Landkart veschwinne,
den „ sei“ Rockergang det sich dort infinne
un alles zum brenne bringe.

Heiko mer misse dich emol ernschthafft froe:

**„Warum dusch du met so äm Scheißdreck drohe?
Denn so sehr mer uns bemiehe,
mer due die miel net in flamme siehe...
Vielleicht leiht das aach dro,
das sich de heiko noch dut im Neandertal befinne
un muss es Feier erscht noch erfinne...
Awwer Heiko, ens sahe mer der so
- un das stimmt zu hunnerd pro,
als Nohwuchs Klitschko
bietsch du e Riese Show o....**

ANTALYA

DÖNER KEBAB



**Hauptstr. 11 – 15
67742 Lauterecken**

Tel : 0 63 82 / 18 97

Inh . Sahin Emin

Öffnungszeiten :
Mo - Do 10.30 – 24.00 Uhr
Fr- Sa 10.30 – 01.00 Uhr
Sonn und Feiertagen
12.00 – 24.00 Uhr

ZAMMELBAUSTOFFE

Baufachmarkt · Brennstoffe

In der Schorndelle 1

Tel.: 0 63 63/9 21 30 Fax: 92 13 17

67700 NIEDERKIRCHEN

Busvermessung

alla Christine

Mer han einische in unserem Örtche wohne,
die dun bei uns ganz owwe uff de Kerwereddelicht throne.
Die folschend iss schun es tritte johr nohenanner debei
un dess veddiert schun e Uffnahm in de Ehredatei!
Ja, es Lange Christine derf do net fehle
un dess weje dun mer eich was scheenes iwwer se
verzehle...

Ogefang hots mem dorschdische Musikverien,
die zum e gude Wein nie saae: Nein!!
Die han emol zu ner Betriebsbesichtigung bei de Firma
Peitz gebet

un do ware ach ess Christine un de Norbert vertret...

Nodem mer dort hot gut gess un getrunk
iss mer met einische Promille wirrer im bus vesunk.

De Peitz stellt ne ach noch in seiner unendliche
Großzüchigkeit

als Wegeproviant noch 4 Weinkaschte bereit.

Nodem die kaschte um ihre Inhalt ware erleichtert
sinn die beide durch de Bus gegeischtert.

Es Christine u de Norbert wollte noh dere ganze
Probiererei

mol wisse wie lang de Bus eigentlich sei.

Es hot dann e Meter hervorgezaubert,
net lang gezaudert

un beim Messe aussem Bettnähkäschtsche geplaudert.

Beim Messe hots ihr vorliebe ohgedeit
un die meischte Männer domit erfreit.

Mol e bisje gegrabscht un beriehr

-naderlich dezent ungeniert...

**Nodem de Bus un die Männer ware vemess,
war das Thema vegess.**

**Als se in Reiwelskerch endlich oh kumm ware
sinn se hämgedackelt in Schaare.**


**Christine, ich hoff du dusch ach nächst johr so e Knaller
bringe,**

domet mer ach wirrer e plätzje fer dich finne.

Fer die Vedienschte,

**um die Kerweredd griesche noch e Weinmeter geschenkt
un ich hoff der wird dehäm an die Wand gehenkt.**

GARTENS LANDSCHAFTSBAU
HAUSMEISTERSERVICE
TROCKENBAU



GEISS STEFAN

67753 Reipoltskirchen

Hohlstrasse 18

06364/1521

Mobil : 016097330471

Schindlers Müll in Flammen

In dem nun folgende Gedicht
werd iwwer de ledschte Daach im Jahr bericht.
Im allgemeine – un das weißt kääner vun de Hand
is der als Silveschter bekannt....
Do wird manchi Raket endzünd
un die Lewwer gut met Alkohol getrimmt...
Iwwerall im Ort ware große Fete
un a die Feierwehrmänner hann gesoff wie die bleede....
Als alle Leid ware betankt
iss mancher hääm ins Bett gewankt.
Mitte in de Naacht war dann endlich Ruh ingekehrt,
doch die wurd jeh gestert als die Feiersiren uffbegehrt!
Beim Schindler vorm Haus hat de Müll durch Kracher
Feier gefang
un unserem Sören wurds dobei Angscht un Bang!
Zusamme met em Miehler Christian hot er de Brand
gesieh
un iss sofort zur Feiersiren hie!
Die beide han das ganze ach glei als erschtes endeckt,
obwohl se net wuschte wer es hot ausgeheckt
un de Müll in brannt gesteckt.
Doch als ohgehender Feierwehrmann wär de Sören gern
beim Lösche debei
un würd in sei Uniform springe, eens, zwee, drei...
Um Herr üwwer die Mülltutte zu werre
muschten aach noch die Nußbacher noh Reiwelskerch
scherre.
Doch die kunnte vor lauter Saufe
aach kaum noch Schnaufe....
E Wunner das die üwwerhaupt Reiwelskerch hann gefunn
un sin net in Lautre rauskumm!
Jeder Feierwehrmann hat dann so durchschnittlich 2,5
Promille


un so ging mer dro de Brand zu kille!
No Stunne war es de Wehr gelung
un sie han de Brand unner Kontroll gebrung!
Nodem de Brand war erlosch
sinn die Standhafte Männer zum Feierwehrhaus geloff
un hon dort weiter gesoff!
Dort hat de Ernscht met seine Manne
ball es Bier gesoff aus Kanne!
Sie hann dann ordnungsgemäs alle flasche geleert
un sinn im bedröhnte Kopp hääm maschert....

Fer die Feierwehr hoffe mer das in Zukunft nimmi mehr
dut passere,
als das brennende Mülltutte dun se beehre,
denn die könne die besoffene Manne
aach noch lösche in Gießkanne...

Bitte ein Bit Bitburger

Gasthaus
"Zur Linde"
Hauptstraße 12
67753 Reipoltskirchen
Inh. Lydia Schultz

Unser Party-Service
bietet
Ihnen das Beste
für große Feste!
und kleine Feste!



Qualität ☆ Frische

mmh...
hier gibt's was
Gutes!

Fachliche Beratung

Jede Woche attraktive
Sonderangebote



Metzgerei
Roland Bessel
Luitpoldstr. 32, 67806 Rockenhausen
☎ 06361/7240 oder 7228
Fil. in Rockenh.: Uck-Markt, Mühlweg + Luitpoldstr.6
Imbus in Mehlingen, Fil. Kiegsfeld

**Fleisch- u. Wurst-
waren**

- von bester Qualität
- aus eigener Schlachtung

Reppert Scheppert wieder

Normal saat mer Hoppe und Malz:
Gott erhalts,
doch bei dem folgende sinn Hoppe un Malz velor
un desweje werd er vun uns nochemol geschor...
Vor johre hatte mer ne weje dem gleiche Delikt in de
Kerweredd drin,
awwer draus lerne kummt fer den jo net in de Sinn,
Sellemohls iss er met un ohne Fiehrerschein durch die
Landschaft gerast
un hot zum Schluss bei Wöschbach de Hewwel abgegrast.
Nodem dem Reppert sei Wunde ware veheilt,
hot er an ner nei Fahrtechnik gefeilt...
Doch das ganze hot bloß gehall bis jetzt im Mai,
do fuhr de Reppert sei Audo widder zu Brei!
Do hot er de Polo zu Reiwelskerch eringeschwart
un ne beim Helga an die Garasch gejaht.
Vorher hot er nochem Vetter sei Maiersche gekisst,
domet de Polo beim Ufbrall nix vemisst!
Er steit ach glei ausem Audo aus
un geht ins nahelehene Reppert Haus.
Er macht ganz ungeniert,
als sei nix passiert
un iss halt hämmaschiert.
Dass ihr Garasch nimmie so iss es wahre,
dut die Helga ach ball erfahre....
Die geht dann emol zum Daniel nuff,
un der saht: „ Ey Helga locker dich emol uff,
du bisch irgendwie ganz schlecht druff.....

**Außerdem dut der Fehler net von mer ausgehe,
sondern weil die Garasch dort dut stehe!!**

**Also do gebe mer dem Reppert absolut Recht,
denn; Warum iss die bleed Garasch net uff die Seit
gehecht?**

**Helga, du hosch die Garasch schun schlecht erzoh,
sunsch hät sich de Reppert do droh net es Audo veboh!**

**Daniel, zu dir du mer jetzt nix mie sae,
das wär nur Perl vor die Sei getrah,
deshalb bleibt das Kapitel zugeschlah!**

*Der zuverlässige Partner
für Gastronomie
und Veranstaltungen*



GETRÄNKE-FACHGROSSHANDEL

Felsen-Bräu

Getränkeheimdienst - Getränkeverkaufsstellen

67742 Lauterecken · Tel. 063 82/74 81 · Fax: 33 23

www.Felsenbraeu.de

Kirner Biere · Warsteiner Biere · Bitburger Premium · Bischoff Biere

Karlsberg Biere · BBK Biere · Parkbräu Biere

Selters · St. Medardus · Tönissteiner · Coca Cola

Schloß Veldenz Fruchtsäfte

Pfälzer- und Nahe-Weine · Sekt · Spirituosen

Modernes Alu-Zelt - 35x10m + Anbauten · Partyzelte »variabel«
Leihmöbel · Theken · Leihgläser · Kühlwagen · Kühlschränke
Durchlaufkühler · Verkaufswagen · Weinstände

Zirkus Stifftet Unruhe

Mit dem do Thema schicke mer die Assmänner fer desjor
in Rende

un dun die Hetzerei iwwer se beende!

Die do Geschicht dut ganz harmlos beginne,
doch am Schluss dut sogar die Bolizei de Weesch noh
Reiwelskerch finne!

Am e scheene Friehlingsdaach war vun dem ganze de
Start,

als die erschte Blumme bliehte zart
un äner mem Moped iwwers Kerweplätzje jaht.

Doch bei dem Krach kann newedroh Assmanns Peter net
Penne

un dut desweje fascht Amok renne!

Er halt den Krach dann nimmie aus
un geht uff de Balkon enaus!

Dort vesucht de Peter die Lage zu kläre
un mähnt;,, der Krach det ne beim Schloofe stere!“

Doch der Mopedfahrer macht sich do nix draus
un lacht dene Peter aach noch aus!

Das war dem Peter dann doch zu dumm
un so hat er sich de große Schrauwerschlüssel genumm
un iss so enunner uffs Plätzje kumm!

Dort wollt er dann dene alzu freche
ungespitzt in de Bodde dresche!

De Peter wollt em grad met em Schrauwerschlüssel e neier
Hoorschnitt kreiere,

als vun hinne noch e paar Kerl uff de Peter zumaschiere.

Die Borsche han zuem Saarländische
Schiffsschaukelbremserzirkus gehert,

die kurz vorher ehr Kunschtstickcher uffem Plätzje vollfehrt.

So war de Peter vun ner große iwermacht bedroht un Er un de Schrauwerschlüssel in grossi Not geroot!

Zu fünft wollte se em Peter e Scheitel ziehe un sei perfektes Äußeres e bisje vebiehe!

Es Steffi un de Karl- Alwis dun die Lage vum Haus aus schnell erkenne

un aach noch uffs Plätzje renne.

In kurzer Zeit entwickelt sich so e großer Tumult un jeder gebt dem anner die Schuld!

Der Krach wurd so groß

wie normalerweis gehe nur es Hannelore un de Emil uffenanner los.

Mitte im scheenschte Krach

saht dann die Bolizei mol, „Guden Taach“!


Weil se sich so arisch kloppe

muschte se die Bolizei aussenanner robbe.

Sie dun dann unser Peterche in sei Bettche veweise un die Zirkusleit vum Plätzje schmeisse!

Peterche wann du dich mol willsch widder kloppe, guck das hinnerum im Busch kä Saarlänner hocke.... un stell der immer es Steffi un de Karl Alwis parat, demet sofort, Erschte Hilfe naht....

Es ist uns wichtig ...



**... Kunst,
Kultur und Sport
in der Region zu fördern !**

125 Jahre *Wir Partner in der Region*
Kreissparkasse Kusel
aktiv · persönlich · kundennah




De alte Vollsauß Sören

Vor's Johr an de Kerb do im Ort,
durft de Sören am Samstag Owend a mol fort!
Gehe ca. 22 Uhr hot mer ne in de Hall mo ogetroff,
un do warer schunn sturzvollbesoff!
20 Bier, 10 Schnäps un e Flasch Sekt,
hann dem Bu arisch gut geschmeckt.
Irgendwann wies halt so basiert,
hot er e druck uff de Blos verspiert.
Er is dann niwwer uffs Klo geloff,
un hot dort sei Vadder ohgetroff!
De Achim fand sei Bu garnimmie so klor,
un schwupps- do hot de Sören de Borrem unner de Fies velohr !
Ruck Zuck hot de Achim sei Sohnemann uffgerafft,
un a glei aus de Hall enaus geschafft!
Er hot ne dann noch häm geleitet,
awwer der Trunkenbold wuscht gar net genau wer ihn do
begleitet.
Dehäm hat de Sören nur noch ens im Sinn,
„ich will sofort ins Bett enin“!
De Achim hotem dann noch ingang gewährt,
un de Sören is schwankend die Trepp enuff maschert!
Owwe okumm warer dann ganz verwirrt,
un is besinnungslos im Gang erum geirrt!
Er hot zwar noch gewuscht wo sei Zimmer ungefähr leit,
awwer orientiere kunnt er sich dann doch nimmie gescheit!
Irgendwann stand er im Elternliche Schlafgemach,
doch im dunkle sieht die Sach gaaanz anerscht aus als am Dach!
Er hot fascht sei Stuwweder noch gefunn,
awwer do hot ne de Alkohol e zwottes mo uff die Knie gezwung!
Am nächste moije hot die Sunn durch Fenster gelacht,
Oh Wunder de Sören is jo in seim Bett erwacht!
Er wuscht dann nimmie soviel vun seine nächtliche Sünde,
un kunnt sich so manches a nimmie richtisch begründe!
Im stille hot er sich dann gedenkt;
„irgendwie kumm ich mer jetzt e bisje komisch vor,
awwer Scheiß druff Kerb is schließlich nur ä mol im Johr!!

Kellergeister unter verdacht...

E Stick iss schun Tradidionsbedingt debei
un des iss Hexenacht bzw. erschter Mai!
Do dun Dinger bassere,
die kensche glatt in die BILD Zeitung schmeere!
Am erschte Mai erlebt mer in Reiwelskerch immer es gleiche Spiel,
do iss vun de behexte de Kerweplatz es Ziel!
Immer wern die Kellergeischer de Hexerei beschuldischt,
debei sinn die vun haus aus unschuldisch.
Un oft wird ne ungefroot
met Konsequenze gedroht!
So iss ach dessjohr Drägersch Manu zu uns kumm
un wollt ihr Disch wirrer hun!
Weil mer den gele Noppedisch werklich net hann gehat
zischt es Manu ball wirrer ab...
Manu mer gebbe der jetzt mol e guder Root:
Du hesch besser dei Vadder gefroot
als dene arme Kellergeischer gedroht!
Der Reinhart hot sich nämlich e Scherz erlaubt
un hot das gude stick geraubt!
Awwer fer dene Disch hot sich es Manu schun vorher gerächt,
un hot vun ehre Eltre de Kiehlschrank geschecht!
Bevor em wurd de scheene Noppetisch geklaut
hotsem Reinhart de Kiehlschrank abgetaut
un de Inhalt in ehr Keller vestaut!
Weil dem Reinhart sei Bese hot um e Erfrischung gebet
hot se dene ach noch in de Kiehlschrank geleht!
Bei dem Streich wo se dem arme Reinhart gespielt
hot sich es Manu wie e Könisch gefiehl!
Doch dem Manu Könisch brecht e Zacke aus de Kron
als se dehäm nimmie sieht ihr gelwer Balkontischnoppethron!
Uff die Idee dass ne ihr Vadder hot mitgenumm
isses Manu garnet kumm,
sondern hot lieber die brave Kellergeischer unner Beschuss genumm!

Mei lieb Manu bass es nächste mol besser uff dei Zeich uff,
un geb net immer de falsche Leid ens druff!!



MOTORSPORT & REIFENSERVICE

*Hauptstraße 2
67759 Nußbach*

Tel. 06364-175517 Mobil. 0171-4362453



KS Motorsport & Reifenservice wünscht Ihnen eine schöne Kerwe

Service – Angebote u. Öffnungszeiten

*Reifenservice Inspektion – Service Auto – Teile Zubehör
Motorsportliches Zubehör Sportfahrwerke Chip – Tuning
Motorradreifen Neu – und Gebrauchtwagen*

Öffnungszeiten:

<i>Montag bis Donnerstag</i>	<i>9.00 – 17.00 Uhr</i>
<i>Freitags</i>	<i>13.00 – 17.00 Uhr</i>
<i>Samstags</i>	<i>9.00 – 12.00 Uhr</i>

Jeden ersten u. dritten Freitag im Monat Tüv – Abnahme im Haus (Nur nach Terminvereinbarung)

*Sonderpreise für Reifen im April und Oktober
Keine Montagekosten am Satz Reifen.
! 24,00 € - 40.00 € gespart !*

Schluss

Fer die Leit die im Gäschtebuch,
de Kerwerede bis jetzt noch net zur Erwähnung sinn kumm,
hat die Redd e glicklicher velauf genumm.
An der Stell dun mer unser Meischerwerk schließe
un es met e paar Weinscher begieße....
Des Meischerwerk gebts allerdings net uf de Frankfurter Buchmess zu
kaafe
er misse nur zu uns an die Biehn e hie laafe!
Das ganze Machtwerk gebts fer 2 Euro zu erstehe
un dodefunn wird eier Geldbeutel aach net unnergehe!
Außerdem sinn die Redde aach mit Autogramme vun uns beehrt
Un die sinn ball Millione vun Gummibärcher wert....
Schließlich packte mer heit de große Philosoof aus
Un dodemet kumme mer weiterhin aach noch groß raus!
Doch bevor mer so groß raus kumme,
dun unser Stimme mol nom Karlche summe...:„Götterbote Karl“,
kumm mol in die Hall
un begrieß unser Gäscht met nem Dunnerknall!
Karl, eh du dunsch die Gäscht begrieße,
gewwe mer der noch e Glas Wein zum genieße.
Du musch aach noch unser Kerwestrauß heilische,
demet ne de Kerwegott geje „Blitz un Dunner kann veteidische!“

„Karl mer sin entzickt bis verickt,
die Worte sinn der wahrlich schee geglickt!
Mer dun eich jetzt ins Kerwetreiwe entlosse,
treiwe awwer nimmie so bosse,
denn in unserer Kerweredd wird scharf geschosse.....“